

章邱縣志卷之九

名宦志

爲吏者稱尊一邑之中指麾任意爲夏日爲雷
霆民無如吏何也然彈指間單車出境而謳歌
歇絕矣吏亦無如民何也史家有循吏傳有酷
吏傳爲吏者將何從哉作名宦志

漢高柔字文惠陳留圉人也父靖爲蜀郡都尉柔留
鄉里柔從兄幹袁紹甥也在河北呼柔柔舉宗
從之會靖卒於西州時道路艱澁兵寇縱橫而
柔冒艱險詣蜀迎喪辛苦荼毒無所不嘗三年

登記號 66572

37年2月1日

813.712
0072
4

乃還漢獻帝建安十年曹操平袁氏以柔爲管

長管應作管縣中素聞其名奸吏數人皆自引去柔

教曰昔邴吉臨政吏嘗有非猶尙容之况此諸

吏於吾未有失乎其召復之吏還皆自勵咸爲

佳吏柔處法允當事無留滯辟爲丞相理曹屬

見魏書

劉寵字祖榮東萊牟平人桓帝時以明經舉孝廉

除東平陵令仁惠爲吏民所愛母疾棄官去百

姓將送塞道車不得進乃輕服遁歸歷豫章會

稽二郡太守累官至司徒太尉免歸無貨積以

老病卒於家

見後漢書
循吏傳

司馬芝字子華河內溫人也少爲書生避亂荊州
於魯陽山遇賊芝坐守老母賊至以刀臨芝芝
叩頭曰母老惟在諸君賊曰此孝子也殺之不
義芝以鹿車推載母居南方十餘年躬耕守節
曹操平荊州以芝爲管

一作管

長郡主簿劉節舊

族豪俠賓客千餘家出爲盜賊入亂吏治芝乃

馳檄濟南具陳節罪太守郝光素敬信芝遷廣

平令征虜將軍

見魏書

北周郎茂字蔚之恒山新市人大象中爲衛國令時

有繫囚二百茂親自究審數日釋免者百餘人
歷年詞訟不詣州省有民張元預與從父弟思
蘭不睦丞尉請加嚴法茂曰元預兄弟本相憎
疾坐得罪彌益其忿非化民之意也於是遣縣
中耆老更往教諭道路不絕元預等各生感悔
詣縣頓首請罪茂曉之以義遂相親睦稱爲友

悌

見隋書

後周張德昇

以避廟諱故書其字

清河人顯德三年任縣令

達於政事妙有神機毀淫祠崇文教詳見金石

錄長白山新會院記

已上四人舊志未載

宋趙不羣太宗六世孫欽宗時任縣令縣當山東河北之衝時有寇警不羣募五千人增城浚濠爲戰守備敵攻圍兩月不能下後遷濰州通判王仲寶高密人仁宗時任縣尉以捕盜六十餘人有功改左班殿直後領濮州團練使

金完顏問山都人承安元年由律科忠顯大夫任縣令盡心治盜大著聲績

范天錫賈懷人由詞賦第泰和七年任縣令豈弟慈善民皆懷之

王儲中都人由詞賦第朝請大夫貞祐三年任縣

令有政事之才

李仔宏本貫未詳興定二年任縣令威信大行奸慝屏息

李山本邑人寶慶戊子任縣令能保聚生齒

元張銀兒世祖丁酉年任達魯花赤治政有聲吏民畏服公廨皆其重建

耿繼祖深州人至元五年任縣尹莅政嚴肅

尙才英字世傑大德五年由樞府掾任縣尹盡心牧愛一介不取舉廢必行去後民刻石頌之祀

名宦

李惟肅真定人大德丁未年由中書掾任縣尹廉
恕剛斷先教後刑嘗指繡江語人曰吾惟飲此
水耳因築亭曰飲江祀名宦

李彥表字儀伯汴人至正五年任縣尹政聲爲諸
縣最擢江南行臺御史

舊志佚其名今據去思
碑補正詳見金石錄

明劉顯宗衢州人由刑部掾洪武十年知縣事剛果
明肅有治劇之才祀名宦

賴原裕處州人由通經儒士洪武六年任本縣縣
丞莅政寬裕潔已愛民凡公出視地遠近裹糧
而行擢戶部員外郎祀名宦

吳以辰松江人由人才洪武三十三年知縣事秩

滿士民脫鞬懸於縣門

舊志未載今據職官表中語增入

朱應吉餘姚人宣德年任教諭嘗上疏言大全去
取未當下其議於禮部許天下學校兼采諸說
一斷以理竟無敢應識者惜之

田疇字耕治交城人監生正統六年知縣事好善
抑強廣儲節用被特薦以登州府通判管萊陽
縣

張慶字景祥鉤州人舉人成化元年知縣事循禮
奉法人不敢干以私發奸弭盜路不拾遺擢東

昌府同知祀名宦

李燦字文玉咸寧人舉人成化八年知縣事救荒有惠績祀名宦

韓福字德夫陝西人進士成化二十一年知縣事奉公潔已吏畏民安行取監察御史祀名宦

陸里字希遠宜興人進士宏治元年知縣事公廉勤慎有循良之稱蒐撫事實剏修邑志四卷

據舊

志序
增補

呂秉彝字性之真定人進士正德四年知縣事慎獄均賦崇儒恤孤積粟振乏築城禦患善政懋

續交章上聞擢山東道監察御史詳見金石錄

據去思碑增補

白麒字子仁盧龍縣人進士正德十五年知縣事

威行政舉士民安之

孫應奎字文宿河南衛人進士正德十六年知縣事剛而有守士民畏服行取兵科給事中

祝文冕字宗周興化縣人進士嘉靖五年知縣事廉惠仁厚積粟捕蝗大有功於民

趙瀛字文海三原縣人進士嘉靖十年知縣事崇

正祛浮平賦息盜捕蝗尤力邑人頌之祀名宦

咎如思三原縣人進士嘉靖二十年知縣事以清廉著聲行取監察御史

陳東光字平岡鈞州人進士由翰林嘉靖二十五年知縣事留心民物平易可親擢大名府同知官至都御史

金九成字攝山武進人進士嘉靖二十九年知縣事有清操扶善抑強士民德之擢南京戶部主事

程熟字吾潭開州人進士嘉靖三十三年知縣事勤慎清修忠誠明決莅事甫六月百廢皆興以

馬匹臚息滋生蕃盛上憲嘉獎之

據閒居集增補

賀賁字洪濱靈寶人進士嘉靖三十五年知縣事

慈祥豈弟民歌父母焉行取南京江西道御史

董文案字澧溪順天府人進士嘉靖三十八年知

縣事革火夫省里甲強宗巨猾皆畏其風裁行

取監察御史擢參議官至參政建有生祠

劉田字見川南陽人進士嘉靖四十三年知縣事

遇事明敏秉心公恕民困以蘇

張一通字洪濱寧津人進士嘉靖四十四年知縣

事徵租有善法聽斷無遁情平役懲奸民有慈

父之稱

已上二人據
閒居集增補

李朝綱武功人舉人嘉靖初年任教諭性簡素勤
於課士諸生修脯一切不受乙酉戊子兩科領
鄉薦者十有二人時皆稱教育之功累官御史
知府副使

尤時熙洛陽人舉人任教諭清操自守訓迪得宜
著有語錄行世

李臣之嵩縣人進士萬歷三年知縣事力任勞怨
築修石城足資保障擢武昌府同知祀名宦

茅國縉歸安人進士萬歷十一年知縣事先是邑

中賦役繁重民多鬻田產轉徙國縉立條鞭法
革除一切富戶里甲歸之召募數年後閭閻殷
富百姓德之有去思碑行取監察御史祀名宦

條鞭法

見藝文

張企程洋縣人進士萬歷十八年知縣事與民休
息積貯振作建義倉三十所又設社學十餘所
延師課民間子弟有絃誦之風去後百姓肖像
尸祝之行取禮科給事中祀名宦

董復亨元城人進士萬歷二十一年知縣事博學
有重名江陵柄國時召之力辭不往政暇手不

釋卷尤加意作人視若子弟清操不滓於利祿
若將浼焉輯縣志三十四卷行取禮科給事中
天啟年祀名宦

游漢龍徽州人進士莅事勤慎廉潔惠民有去思

碑萬歷庚戌年建

據去思碑增補

李養志永平人進士萬歷三十二年知縣事性嚴

重不輕出一語時德藩閩人以公事至拒之不

見諸饋遺亦堅却弗受爲政平易士民安之崇

禎年祀名宦

朱大典金華人萬歷四十六年知縣事慕登萊山

川之勝每假公事遊覽輒繪圖藏之行取兵科
給事中累官至山東巡撫適直李九成圍萊州
大典遣兵擒之皆爲令時所巡歷也

孫守業祥符人舉人萬歷年任教諭明爽謹厚遇
諸生恩義兼盡士皆感焉擢國子監學錄官至
兵部員外郎

牛成龍保安人恩貢生萬歷三十九年任縣丞清
苦著聞士民感德奉檄收泰山香稅一塵不染
多銀萬二千五百兩人尤難之

郭綸本貫未詳萬歷年任縣丞廉介明決擢四川